



Balus ja ilus

Ballu ja illu. Mun árvidan, ahte dát guokte dovddu leat buohkaide midjiide oahppásat. Sáhtta leat, ahte dat leat iešalddis mángga min áiggi olbmo vuododovdamušat? Dát eai govčča nuppiideaset eret. Olmmoš, gii vásiha muhtin áššiin ilu ja ávu, sáhtta buresge dovdat ovttá áigge dovdat buori siva dihte balu muhtin eará áššiid dihte.

Go jurddašit máilmmi áigeguovdilis dáhpáhusaid rávnnji, mángasa dovdu sáhtta mis leat duot ballu. Ballu sáhtta njáhkát millii, go mii jurddašit sođiid Ukrainas ja Israelas ja Palestiinnás dahje dálkkádatnuppástusa dahje vuostálasvuodaid lassáneami birra mángggain servvodagain. Mađe stuorát áššiin lea gažaldat, dađe eambo dat sáhttet orrut hálddašmeahtumin.

Dáid beassáziid evangeliumteavsttas ballu ja illu leat maiddá mielde; dahje rievtti mielde ilu nana hápmi nappo ávvu. Teaksta nohká sániide:

Nissonat vulggiiga hoahpus hávddi luhtte ja viehkaleigga balus ja stuorra ilus muitalit sága Jesusa máhttájedjiide. (Matt. 28: 8)

Nisson guovttos leaba Maria Magdalena ja “dat nubbi Maria”. Jesusa lagaš čuovvut goappašge. Teaksta govvida, maid nissonat dovddaiga go gávnaiga beassážiida Jesusa guorus hávddi.

Hávddi luhtte vuolgán guokte Maria leigga evangeliuma mielde ovttá áigge balus ja ilus. Bottoža maŋŋá soai oažžuba iežage deaivvadit Bajásčuožžilan Jesusa. Goittotge duot guovttelágan dovddut, sihke ballu ja illu, guoskkahit mu.

Ballu govvida sudno moivašuvvama. Illuges dan, ahte soai fihtiiga čiekŋalassas siskkimusasteaskka, ahte Jesusa mátki ii nohkange jápmimii. Son čuožžilii bajás. Risttalaš oskku dehálamos sáhka lea odnege dát: Jesus eallá!

Mun sávan ja rohkadalan, ahte dát bajásčuožžileami illu leavašii midjiidege, geat ávvudit beassáziid giđđadálvvi 2024. Oppalohkáii illu sáhtta gávndat eallimii das, ahte geahččá lahka uhca giittosáššiide. Kánske du millii bohtá muhtin olmmoš, gean dihte sáhtát leat giitevaš. Sáhtát maiddá buktit ilu iežat eallimii, go veahkehat nuppi olbmo vaikkoba dušše unna geavatlaš doaimmas. Illu stuorru go dan juogada.

Mun sávan Dutnje ráfálašvuoda ja ilu bohttevaš beassáziid áigge. Mun sávan, ahte máilmmi kriissatge eai doalvo min ilu das, ahte ealli Beasti, Jesus, lea lohpidan leat min luhtte juohke beaivve. Ipmil sivdnidehkos min stuorra ávvudeami.

Ovdal beassáziid 2024

Jukka Keskitalo
Oulu bismágotti bismá